

և ծերունեաց, և 'ի վաղիւն գործակալաց, բայց զպահանջ  
 Դատաւորին ոչ յայտնեցին, զի մի գրգռեսցեն զագահու-  
 թիւնս այլոց: Եւ նոքա ասեն՝ հնազանդեցարուք առ այժմ  
 խոստման Դատաւորին, և այլքն հետեւարար կտտարին,  
 միայն սկիզբն արասցուք գործոյն: Եւ մինչդեռ Հայք խոր-  
 հէին 'ի վերայ այսոցիկ իրաց, լուան յանկարծ թէ երկ-  
 րորդ Թարգմանն Յունաց և այլք գնացին 'ի Դամասկոս՝  
 ամբաստան լինիլ զմատիկանէն և զՀայոց, և Քաղաքապետն  
 կամակից նոցին՝ տուեալ զօրականս և վասն երկիւղի ճա-  
 նապարհին: Եւ իմացեալ զայս գործակալացն՝ հարցին  
 ցՔաղաքապետն, և նա ուրացաւ և չգիտել ձեւանայր, բայց  
 զզօրականս խոստովանէր տուեալ 'ի խնդրոյ Յունաց, բայց  
 նոքա ստուգեցին լեալ գիտութեամբ Քաղաքապետին, ո-  
 րովհետեւ գիտէր զբանս ժողովոյն, և գրեալ էին գիր  
 ինքն և Դատաւորն և գիտութեամբ իւրեանց առաքեալ  
 զՍախարեայն: Իսկ Ոստիկան Կուսակալին բարւոք տեղե-  
 կացեալ այսոցիկ իրաց՝ զայրացաւ յոյժ, և ինքն ևս գրեաց  
 դանկատանս զՅունաց առ Բեւշխն, և զՍախարեայն կա-  
 ցուցանէր յանցաւոր յամենայն ժողովս իբրեւ ընդդիմա-  
 խօս Տէրութեան, և փութացոյց զայն հեծելաւ 'ի Դամաս-  
 կոս: Եւ 'ի վաղիւն գործակալք առաքեցին զոմանս առ  
 Դատաւորն հարցանել թէ ընդէ՞ր դադարեաց 'ի գործոյ,  
 և ստիպէին սկիզբն առնել և կատարել զխոստացեալսն:  
 Եւ նա արար պատասխանի, թէ Հայք առաւել խնդրեն  
 քան զխոստացեալս իմ, ուստի և ես յետս կացի: Բայց ըզ-  
 պահանջ իւր ծածկեաց. կոչեցին զՀայս և ստիպէին զնոսս  
 շատանալ այնքանեօք, և նոքա տատանեալ 'ի միտս ոչ  
 կարէին յայտնել զծածկեալն. ասէ Մուվէլլայն՝ երեւի թէ  
 պահանջ Դատաւորին ծանր է և Հայք անկարող՝ և այս-  
 պէս պատճառանօք յերերի կայ գործն, սակայն Հայք ոչ  
 կարեն յայտնի խօսիլ, զի երկնչին 'ի Դատաւորէն և յայ-  
 լոց, այլ որպէս և իցէ պարտ է շահել զմիտս նորա, և  
 սկիզբն առնել գործոյն. դուցէ յանցանել առ ուրոց, զըջասցի  
 նաեւ զխոստացեալսն անգամ չկատարել, և անկցի ատե-  
 լութիւն 'ի մէջ մեր և նորա և լիցին պատճառ խռովու-  
 թեան: Գնացին Հայք դարձեալ առ Դատաւորն և աղա-  
 չէին զնա ստէպ, այլ նա ոչ երբէք զըջանէր 'ի բանից: